

Jahresbericht Junioren B

Liebi Juniore, Liebi UHT-ler

Scho isch wider äs Unihock-Jahr düre u äs isch Zyt, Bilanz ds'zieh (me mues ä Jahresbricht schribe ☺).

Mir hei nach dr' HV mit eim Trening pro Wuche - am Frytigabe gstartet. Wüu zTeam vor U18 ono am Frytig zÜttlige het müesse treniere, so simmer deswäge nume au zwo Wuche ir grosse Haue gsi! . I danke aber, dasmer glich ä gueti Sesovorbereitig hei chönne mache u si de im Septämber ume az Vorbereitigs-tunier uf Trimbach gfare. Mir hei dert gueti Mätche abgliferet u schlussändlech dr 3. Rang beleit: Bravo! Merci viu mau a dFahrer.

Scho gli isch de üse erscht Meischterschafts-Sunntig agstange, mir hei zThun ire aute Armeehaue die erste zwöi Spiu gha womer o suverän gwunne hei (7:0 u 11:7). Mit witere Siege aber o Niederlage heimeris dür dSeso gspiut u am Schluss ir Meisterschaftstabäue dr usgezeichnet 3. Rang gsicheret! DResudat u die genaui Tabäue chame ufem Internet nache luege.

Ig bi Stouz uf dä 3. Rang weme bedänkt, dass mir die meiste Mätche mit jüngere B u C Juniore gspiut hei. Äs grosses Merci o a die Jungs vode U18 wonis ging si cho ushäufe u ungerstütze! Nid ganz so glücklech bini di Sesu mitem Fahrdienst gsi, ha doch rächt Müe gha, dr Fahrdienst für dMeisterschaftssunntige uf dBei steue.

Vo mir us gseh, sötis nid ging di gliche si, wosech fürs Fahre amäude u am Sunntig bimne Engpass de ono ging spontan zusäge!

Uf jede Fau äs grosses Merci aune FahrerInne u tröie Fans für dUngerstützig!

Ig danke mim Giele-Tiim hätzlech für di tolli Sesu!

I wünschenech witerhin viu Erfoug u Fröid ir zuekünftige Mannschaft! I wirdenech de sicher mau amne Meisterschaftssunntig cho luege u bestune.

Mit sportleche Grüess
Andreas Brunner